



Innkalling av Alver formannskap

Møtedato: 10.11.2022
Møtestad: Helsehuset, møterom Nordhordland
Møtetid: 09:00 -

Eventuelle forfall må meldast til <https://www.alver.kommune.no/innhold/politikk-og-hoyringar/politikk/melde-forfall-til-politiske-mote>

Varamedlemmer møter berre etter nærare avtale.

Sakliste

Saknr	Tittel
103/22	Godkjenning av innkalling og sakliste
104/22	Godkjenning av møteprotokoll
105/22	Alversund - Tveiten kai, gbnr. 139/11 jfr. politisk sak 21/4865
106/22	Finansiering miljørådgivning inkl. miljøgeologiske undersøkelser, dekkdeponi ved Hjelmås kai
107/22	Mandat for ny ungdomsskule på Frekhaug
108/22	Kunnskapsgrunnlag redusert tal barn i barnehage og skule
109/22	Samlokalisering av avlastingstiltak i Alver kommune
110/22	Evaluering prøveordning - Kommunalt følgje på ferie- og fritidsreise for personar med nedsett funksjonsevne
111/22	Øyeblikkeleg hjelp døgntilbod i Alver kommune frå 2023.
112/22	Kanal- og servicestrategi 2022-2026
113/22	Endra forskrift om vass- og avløpsgebyr, gebyrgrunnlag som er kobla til garasje
114/22	Mogelege straumsparetiltak - kostnadsreduksjon
115/22	Miljøløftet – prosjekt til handlingsprogrammet 2024 - 2027
116/22	Eigarskapsmelding
117/22	Melding/orientering til formannskapet 10.11.2022

3. november 2022

Sara Hamre Sekkingstad
ordfører

Tove-Mette Arnø Fyllingen
møtesekretær

Arkiv: <arkivID><jplD> FE-033
JournalpostID:
Sakshandsamar:
Dato: 03.11.2022

Saksframlegg

Saksnr.	Utval	Møtedato
103/22	Alver formannskap	10.11.2022

Godkjenning av innkalling og saksliste

Kommunedirektøren sitt framlegg til vedtak:

Innkalling og saksliste vert godkjent.

Arkiv: <arkivID><jplD> FE-033
JournalpostID:
Sakshandsamar:
Dato: 10.10.2022

Saksframlegg

Saksnr.	Utval	Møtedato
104/22	Alver formannskap	10.11.2022

Godkjenning av møteprotokoll

Kommunedirektøren sitt framlegg til vedtak:

Møteprotokollen vert godkjent.

Vedlegg i saken:

07.10.2022 Protokoll - Alver formannskap - 06.10.2022

1815086

Arkiv: <arkivID><jplID>
FA-P24, GBNR-
139/11

JournalpostID:

Sakshandsamar:

Dato: 08.08.2022

Saksframlegg

Saksnr.	Utval	Møtedato
	Alver kommunestyre	
105/22	Alver formannskap	10.11.2022

Alversund - Tveiten kai, gbnr. 139/11 jfr. politisk sak 21/4865

Kommunedirektøren sitt framlegg til vedtak:

Kommunedirektøren rår til at egedommen vert vurdert avhenda etter at ny arealdel til kommuneplan er vedteke.

Politisk handsaming


Saka skal til uttale i formannskapet.
Saka skal avgjerast i kommunestyret.

Bakgrunn

Saka er ei oppfølging av kommunestyret sitt vedtak jfr. KO sak 21/4865. Saka gjeld avhending av gbnr 139/111 og 139/39, Alversund - Tveiten. Området er eit av få der kommunen har moglegheit til å sikre ålmentas tilgang til sjø. Jfr. vedtak vart det bestemt at dette skulle vere eit bærande omsyn i val av vidare prosess.

Saksopplysninger:

Kaia er del av ein større egedom, gbnr 139/11. Den kommunale ungdomsklubben som nytta bygningsmassen tidlegare har flytta til Alversund skule. Egedomen vil framleis vere i noko bruk av Lindås Sogelag. Sogelaget oppbevarer ein større båtsamling bestående av sjeldne, eldre båtar i to bygg på egedomen. Kommunen har per i dag ikkje behov for egedomen til sin tenesteproduksjon. Bygga på egedomen er prega av dårleg vedlikehald. Alver komme er eigar av to egedomar. Gbnr 139/111 er den største egedomen der kaia ligg i dag. Gbnr 139/39 er ein naturleg del av 139/111. Dei to fungerer i praksis som ein egedom.



Figur 1: Eigedomen er markert med blått, gbnr 139/111 og 139/39.



Figur 2: Oversiktskart over området. Lokalisering for aktuelt gards- og bruksnummer er ramma inn i svart.

Saka løftast opp til politisk handsaming grunna at avhending av eigedomen vil vere i strid med retningslinjene for sal av kommunal eigedom.

Frå retningslinjene:

Følgjande eigedomar skal som hovudregel ikkje seljast. Eigedom krev særskild vurdering før sal:

1. Eigedom i 100-meter beltet.
2. Særskild vurdering skal også ligge føre der eigedom har stor verdi for allment bruk, herunder rekreasjon, leik og idrett.

Kommunedirektøren vurderer eigedomen til å falle inn under begge punkta. Det vert vidare vurdert v at omsyna som gjer seg gjeldande i denne saka kan takast i vare ved å stille vilkår til eit eventuelt sal.

Uregulert eigedom skal som eit utgangspunkt ikkje seljast. Unntak kan skje der:

- Aktuelt salsføremål er vedteken i kommuneplanen sin arealdel
- Framtidig bruk må sjåast på som opplagt som følgje av gjeldande arealformål for omkringliggende eigedom.

Eigedomen er ikkje regulert.

Framtidig arealbruk vert avklara i prosessen med ny arealdel til kommuneplan.

Vurdering

Eigedomen er i dag avsett til offentleg/privat tenesteyting i arealdel til kommuneplanen, noko som inneber at handlingsrommet til ein eventuell kjøpar er lite. Det vil ligge føre ein risiko for at området ikkje let seg utvikle. Ved eit sal vil kjøpar ha risikoen for regulering. Dette inneber at situasjonen kan vere lik som i dag. Ved å knytte vilkår til eit sal vil kommunen sikre seg at ålmenta har fri tilgang og bruk, lik dagens situasjon. Dersom ålmentas tilgang til kaiarealet skal sikrast/forbetrast er det naudsynt med oppgradering av tilkomstveg. For å gjere området attraktivt for besøkande bør også bygningsmassen rustast opp. Slike tiltak vil krevje ein betydeleg kostnad for kommunen. For å setje verk tiltak på eigedomen må kommunen ha behov for eigedomen til sin tenesteproduksjon. Kommunedirektøren kan ikkje sjå at kommunen har behov for arealet etter at Ungdomslaget flyttar ut og kommunen har per dags dato ikkje midlar til å setje i verk tiltak på eigedomen.

For å sikre ålmentas tilgang og bruk vil det vere naudsynt å stille krav til eit eventuelt sal. Vilkår kan gje negativt utslag i prisen som kommunen kan oppnå. I denne saka vert spørsmålet om kommunen skal ta ansvar for å sikre og leggje til rette for allmenn bruk og ferdsel eller om det er tenleg at denne oppgåva løysast av ein privat aktør.

Gbnr 139/111 og 139/39 bør avhendast samstundes. Det er ikkje behov for at kommunen skal sitte igjen med ein stripeeigedom.

Økonomi / Takst

Eigedomen med påståande bygningar representerer ein utgiftspost for kommunen i dag. Det vil vere betydelege kostnader med å vedlikehalde eksisterande bygningsmasse. Det er henta inn takst på eigdommen.

Gbnr 139/111 og 139/39 har felles takst.

Taksering av eigedomen i høve marknadspris. Det vart vurdert at eigedomen ligg flott til ved Alverstraumen i Alver kommune, fin sjøutsikt, vestvendt og gode soltilhøve samt at eigdommen har sjølinje. Gangavstand til skule og barnehage, 2 minuttar køyring til butikk og ca. 6 min køyring til Knarvik senter.

Bygningane på eigdommen i dag er i så dårleg stand at dei vurderast til ikkje å ha noko verdi.

Det vart vidare vurdert at det vil vere ein del kostnader knytt til infrastruktur som er vanskeleg å berekne.

Takst

- Taksert som Offentleg/privat tenesteyting (dagens føremål): Kr **550 000,-**

Kommunedirektøren ser tre moglege alternativ til vegen vidare

Alternativ 1

Eigedomane vert seld med klausul om at ålmenta skal ha fri tilgang og bruk langs og ved kai. Ei utvikling er avhengig av at området vert regulert. Kjøpar vil stå med risikoen for regulering. Som nemnt er føremålet i arealdel til kommuneplanen offentleg/privat tenesteyting. Om dette ikkje vert endra i samband med ny arealdel er det ein risiko at arealet ikkje vert utvikla. Må

stillast krav om utbetring av tilkomstveg, ålmentas tilgang og bruk i eventuell detaljreguleringsplan.

Alternativ 2

Framtidig bruk vert vurdert i prosessen med ny arealdel til kommuneplan. Eigedomane vert vurdert avhenda etter at ny arealdel til kommuneplan er vedteke.

Alternativ 3

Eigedomane vert ikkje seld. Eventuell utbetring av eksisterande bygningsmasse, tilkomst og bruk for ålmenta vurderast i økonomiplansamanheng.

Kommunedirektøren si tilråding:

Kommunedirektøren rår til at framtidig bruk av eigedomen vert vurdert i arealdelen til kommuneplanen. Då vil rammene for mogleg utvikling vere avklart og evt. kjøparar får eit betre grunnlag for å levere pristilbod.

Vedlegg i saken:

03.11.2022 Takst

1813365

Arkiv: <arkivID><jplID> FE-202
JournalpostID:
Sakshandsamar:
Dato: 03.11.2022

Saksframlegg

Saksnr.	Utval	Møtedato
106/22	Alver formannskap	10.11.2022
	Alver kommunestyre	

Finansiering miljørådgivning inkl. miljøgeologiske undersøkelser, dekkdeponi ved Hjelmås kai

Kommunedirektøren sitt framlegg til vedtak:

Kommunestyret vedtek prosjekt miljørådgivning inkl. miljøgeologiske undersøkelser, dekkdeponi ved Hjelmås kai med oppstart i 2022. Det vert løyvd 0,72 mill kr inkl mva til arbeidet, finansiert via disposisjonsfondet.

Alver søker om økonomisk støtte frå Handelens Miljøfond til å dekke kostnader med miljøkartlegginga.

Politisk handsaming

Saka skal til innstilling i formannskap
Saka skal avgjerast i kommunestyret

Saka gjeld

I 2019 vart det oppdaga marin forsøpling i form av eit dekkdeponi på sjøbotn ved Hjelmås kai i Osterfjorden.

Bildekk består av gummi, kolstøv og ulike tilsetningsstoff som kan være helse- og miljøskadelege.

Bildekkdeponiet på Hjelmås stammar frå produksjon av skytematter på 70-talet. Firmaet som stod for produksjonen er oppløyst, og det er ikkje mogleg å leggje ansvaret for opprydding over på den som har forureina. Det er dermed Alver kommune sitt ansvar å løyse denne saka.

Før ein kan begynna på arbeidet med heving, evt tildekking, må ein hente inn spisskompetanse på kva som er den beste måten å løyse oppgåva på. Omfanget av miljøgifter ved depoet må kartleggjast og denne kartlegginga skal hjelpe oss med å kome fram til forslag til tiltak.

Det har vore tilbodskonkurranse på miljørådgivning inkl. miljøgeologiske undersøkingar. Før arbeidet kan setjast i bestilling må imidlertid finansieringa godkjennast. I tilbodsdocumenta har ein opplyst at tidspunkt for tildeling er innan 01.11.22 samt at frist for oppstart er 15.11.22

Denne saka gjeld ikkje sjølve arbeidet med evt. heving eller tildekking av deponiet. Konsulentoppdraget skal avklare dei konkrete tiltaka.

Saksopplysningar

Sakshistorikk

Formannskapet har vorte forelagt orienteringar om dekk-saka i følgjande møter:

- 14.10.2021
- 10.02.2022
- 07.09.2022

Alver kommune har i samarbeid med Regiox AS kartlagt deponiet ved hjelp av undervassdrone (ROV). Ein har på den måten fått oversikt over omfanget av deponiet. Innsamla data om deponiet er synte i konkurransedokumenta.

Bergen kommune har erfaring med fleire liknande forureiningssaker, og konkurransegrunnlaget er utarbeida med bakgrunn i ei av desse sakene.

Det er viktig å få fram eit kunnskapsgrunnlag om tilstand på deponiet og sjøområda rundt, før ein skildrar aktuelle tiltak.

Alver kommune har tidlegare inngått ein intensjonsavtale med innovasjonsnettverket NOSCA. Planen var å gjennomføra eit forprosjekt rundt dekkdeponiet for å komme fram til ein metode for å løyse saka. NOSCA søkte om økonomisk støtte hjå Handelens Miljøfond (HMF), men søknaden vart ikkje innvilga. Det medfører at Alver kommune på eiga hand må anskaffe miljørådgjevarar som kan utføra miljøgeologiske undersøkingar samt komme med anbefaling om tiltak.

Kommunedirektøren si tilråding

Kommunedirektøren tilrår at konsulentoppdraget miljørådgivning inkl. miljøgeologiske undersøkingar, dekkdeponi ved Hjelmås kai, vert finansiert med oppstart i 2022.

Arkiv: <arkivID><jplID> FE-614, FA-A20, TI-8.42
JournalpostID:
Sakshandsamar:
Dato: 27.10.2022

Saksframlegg

Saksnr.	Utval	Møtedato
040/22	Ungdomsråd	07.11.2022
053/22	Råd for menneske med nedsett funksjonsevne	07.11.2022
067/22	Utval for oppvekst, kunnskap og kultur	08.11.2022
107/22	Alver formannskap	10.11.2022
	Alver kommunestyre	

Mandat for ny ungdomsskule på Frekhaug

Kommunedirektøren sitt framlegg til vedtak:

Kommunestyret vedtek mandat for konseptfase for utgreiing av ny Frekhaug ungdomsskule, slik det ligg føre i vedlegg til saka. Oppstart i 2023.

Politisk handsaming

Saka skal til uttale i Ungdomsråd

Saka skal til uttale i råd for menneske med nedsett funksjonsevne

Saka skal til uttale i utval for oppvekst, kunnskap og kultur

Saka skal til innstilling i formannskap

Saka skal avgjerast i kommunestyret

Saka gjeld

Meland ungdomsskule består av fleire separate bygg der det eldste er frå 1920-talet.

Skulen har eit større behov for vedlikehald og oppgradering.

Det at skulen er så fragmentert medfører blant anna til at skulen ikkje har eit funksjonelt læringsmiljø.

Skulen manglar klasserom, fellesrom for samling av elevar og tilsette og møterom for alle tilsette. Ein manglar også areal for kroppsøving, symjeundervisning samt at ein treng eit større og meir variert uteområde.

Det er med andre ord behov for ein meir framtidsretta og optimalisert bygning.

I konseptfasen er det foreslått 3 tomter som skal vurderast:

1. Dagens plassering i Havnevegen 53 (regulert til offentleg)
2. Langelandsskogen (pågående planprosess)
3. Område aust for Meland Aktiv (uregulert)

Ein skal vurdere fordelar og ulemper ved alle tomtane, og konseptfasen skal enda opp med ei anbefaling vedr kva tomt som er best eigna for lokalisering av ny ungdomsskule, jfr vedlagt mandat.

Denne saka omhandlar mandat for konseptfasen/tidlegfasen. Saka omhandlar ikkje sjølve

prosjektfasen/ gjennomføringsdelen.

Saksopplysningar

Tidlegare vedtak:

I gamle Meland kommune vart det i Formannskapet, sak 94/2018 den 17.10.2018 gjort vedtak som omhandla vidare arbeid med å planlegge for ungdomsskule i Langelandskogen.

I kommunestyremøte den 16.12.2021, sak 164/21: Økonomiplan 2022 – 2025.

Kommunestyret ønskjer å forsere planlegginga av ny ungdomsskule på Frekhaug og ny barneskule på Eikanger, og legg inn midlar til dette frå og med 2022.

Utgreiingsfasen:

Kommunen vil ha ansvar for å gjennomføre konseptfasen. Ved behov vil ein også leige inn rådgjevarar som kan bistå i denne prosessen. Undervegs vil det være nødvendig å involvere brukar- og referansegrupper.

I konseptfasen skal ein mellom anna vurdere plassering, dimensjonerande elevtal, avklare funksjonar som skal inn i bygget, vurdere uteopphaldsareal og sjå på nødvendig infrastruktur.

Kostnader:

I forslag til økonomiplan investering 2023- 26 er det sett av kr 0,7mill i 2022, 3,6 mill i 2023, 4,9 mill i 2024 og 9,3 mill i 2025 for prosjekt *Frekhaug- Ny ungdomsskule*, for behovsavklaring, planlegging og etter kvart klargjering og prosjektering.

Kommunedirektøren si tilråding

Kommunedirektøren tilrår at mandat for konseptfase for ny Frekhaug ungdomsskule, vert vedtatt slik det ligg føre i vedlegg til saka. Oppstart i 2023.

Vedlegg i saken:

27.10.2022 Mandat ny Frekhaug ungdomsskule

1824526

Arkiv: <arkivID><jplID>
FA-A00
JournalpostID:
Sakshandsamar:
Dato: 24.10.2022

Saksframlegg

Saksnr.	Utval	Møtedato
	Alver kommunestyre	
069/22	Utval for oppvekst, kunnskap og kultur	08.11.2022
108/22	Alver formannskap	10.11.2022

Kunnskapsgrunnlag redusert tal barn i barnehage og skule

Kommunedirektøren sitt framlegg til vedtak:

Kunnskapsgrunnlaget Redusert tal barn og elevar i kommunen 2023-2033 blir tatt til orientering.

Politisk handsaming

Saka skal til uttale i utval for oppvekst, kunnskap og kultur
Saka skal til innstilling i formannskapet
Saka skal avgjerast i kommunestyret

Saka gjeld

I samband med strategisamlinga for formannskapet 28.-29. april 2022 fekk administrasjonen i oppgåve å utarbeide eit kunnskapsgrunnlag knytt til venta reduksjon i tal barn i barnehage og tal elevar i grunnskulen i åra som kjem.

Kunnskapsgrunnlaget som no ligg føre er utarbeidd i samarbeid med miljøretta helsevern, planavdelinga, eigedomsforvaltninga, styrar, rektorar og tenesteleiarane for barnehage og skule.

Saksopplysningar

Kunnskapsgrunnlaget som er presentert, viser prognose i høve til venta tal barn i barnehage og tal elevar i grunnskulen i Alver kommune i åra fram mot 2032.

Prognosane viser at tal barn i barnehage er venta å flate ut til litt under dagens nivå. Medan vi i 2015 hadde oppunder 2000 innbyggjarar i aldersgruppa 1-5 år, har vi i dag berre 1600.

Tilsvarande utvikling ser vi i høve til elevar i barneskule og ungdomsskule. Frå toppåret 2020 då det var 2900 elevar i barneskulen er talet venta å falle jamt dei neste åra, ned mot 2300 elevar i barneskulen i 2032. Utviklingsbiletet ser tilsvarande ut for ungdomsskulane, men her med ei forseinking i utviklinga i høve til reduksjonen. For ungdomsskulane er toppåret venteleg i 2023, med 1328 elevar totalt, og med jamn reduksjon ned mot 1087 elevar i 2032.

Samla elevtal for barneskule og ungdomsskule er stipulert til 4075 i 2023, dette inkluderer elevar i friskulane (private skular). Skuleåret 2022/23 har kommunen 314 elevar i friskulane.

I tabell *Nøkkeltal for den einskilde barnehage pr. 15.12.2022*, på side 15 i rapporten, blir mellom anna ledig kapasitet i dei kommunale barnehagane presentert. Samla utgjer ledig kapasitet i dei kommunale barnehagane over 200 plassar. Ved tildeling av barnehageplass tel barn under 3 år 2 plassar.

Avslutningsvis i kapittel 2 blir det presentert eit oversyn over ledig kapasitet i skulane som ein konsekvens av elevtalsutviklinga samt venta utvikling i tal klassar for neste skuleår. Samla har Alver kommune ein kapasitet på over 5000 elevplassar i grunnskulen i kommunen. Ved byrjinga av skuleåret 2022/23 hadde vi 3779 elevar i kommunale grunnskular, og etter prognosane kan vi vente oss 3387 elevar totalt i kommunen i 2032. Det er ikkje venta vesentleg endring i tal klassar neste skuleår.

I kapittel 3 er stipulerte kostnader til vedlikehald for bygga presentert. Dette er behov som vi kjenner til i dag, utan omsyn til nye vedlikehaldsbehov som kjem til i framtida. Samla utgjer dette over 100 millionar kroner i eit 5-10 års perspektiv.

Normtala for bemanning i barnehage og skule fastset minimumskrav i høve til bemanning. I barnehagane blir tal tilsette regulert årleg i samband med hovudopptak og tildeling av barnehageplassar om våren. Dei kommunale barnehagane i Alver kommune har eit ressursnivå som stettar minimumskrava etter norm for pedagog og norm for andre tilsette.

Skulane får tildelt ressursar for neste skuleår om våren, etter kommunal ressurstilodelingsmodell. Skulane får tildelt ei ramme som rektor kan disponere i samsvar med lokale behov og prioriteringa. Rektor kan ikkje omfordele ressursane i så stor grad at norm for lærartettleik ikkje blir halden. Grunnskulane i Alver kommune hadde skuleåret 2020/21 samla sett eit ressursnivå på 40 årsverk over minimumskrava etter norm for lærartettleik.

I kapittel 4 og 5 er dei kommunale barnehagane og skulane presentert. Presentasjonen viser at det er store variasjonar med omsyn til storleik, kvalitet på bygga og behov knytt til vedlikehald. Den pedagogiske vurderinga av anlegget, byggjer i stor grad på styrarar og rektorar sine opplevingar. Skildring av utviklingsarbeid og læringsmiljø er meint å skulle gje eit lite glimt av arbeidet ute i avdelingane.

Vurdering

Kunnskapsgrunnlaget er meint å skulle bidra til innsikt i nøkkeltal og faktorar for barnehage og skule i Alver kommune, som kan kome til nytte i samband med kommunal planleggjing og prioritering.

Alle tal og berekningar fram i tid er usikre, då desse byggjer på prognosar og berekningar, ikkje faktisk viten. Reelle tal kan først lesast ved å sjå utviklinga i ein historisk samanheng.

Kunnskapsgrunnlaget kan også nyttast som grunnlag for bestilling av nye undersøkingar og analysar.

Kunnskapsgrunnlaget blir lagt fram med ei innstilling om at det blir tatt til orientering.

Vedlegg i saken:

01.11.2022	30.10.22 Til politisk kunnskapsgrunnlag barne- og elevtal	1826007
	Alver kommune	

Arkiv: <arkivID><jplID> FA-
H32
JournalpostID:
Sakshandsamar:
Dato: 24.10.2022

Saksframlegg

Saksnr.	Utval	Møtedato
044/22	Ungdomsråd	07.11.2022
052/22	Råd for menneske med nedsett funksjonsevne	07.11.2022
045/22	Utval for helse og omsorg	08.11.2022
109/22	Alver formannskap	10.11.2022
	Alver kommunestyre	

Samlokalisering av avlastingstiltak i Alver kommune

Kommunedirektøren sitt framlegg til vedtak:

Alver kommunestyre godkjenner følgjande:

- a. Røsvikrenen 4-6 vert tatt i bruk som avlastingsbustad, som alternativ til noverande avlastingstilbod på Ostereidet, Røsvikrenen i Knarvik og Havnevegen på Frekhaug.
- b. Klargjering av bustad vert finansiert innanfor gjeldande budsjettramme.

Politisk handsaming

Saka skal til uttale i ungdomsråd og råd for menneske med nedsett funksjonsevne.

Saka skal til innstilling i utval for helse og omsorg og formannskap.

Saka skal avgjerast i kommunestyret.

Saka gjeld

Viser til [Alver kommunestyre sak 054.21 møtedato 06.05.21](#) Tiltak for meir kostnadseffektiv drift i helse- og omsorg – oppfølging av PwC rapport, samt [Alver kommunestyre sak 121/21 møtedato 28.10.21](#) Avlastingstiltak for barn og unge i Alver kommune.

Viser her til vedtak:

c. Starte arbeide med å finne eigna lokaler for å samlokalisere avlastingstiltaka som i dag vert gitt i Røsvikrenen i Knarvik, Havnevegen på Frekhaug og på Ostereidet. Målet er betre kvalitet og kostnadseffektiv drift. Kommunestyret ber rådmannen kome attende med ei sak om lokalisering, val av bygg/nybygg og eventuell økonomisk innsparing ved ei samlokalisering av desse avlastingstiltaka

Saksopplysningar

Kommuneplan

[Alver kommune - kommuneplan samfunnsdel 2022-2034](#) legg føringar for korleis vi vil utvikle samfunnet vårt, kva vi skal satse på, kva visjonar og mål vi har for framtida – og kva vi må

gjere for å kome dit. Kommunedelplan helse, sosial og omsorg skal bidra til måloppnåinga.

Utval for helse og omsorg sak 038/22 dato 04.10.22 har vedtatt å sende [Alver kommune - høyring kommunedelplan helse, sosial og omsorg 2022-2034](#) på høyring og offentleg ettersyn. Høyringsfrist er 01.12.22

I kommuneplan samfunnsdel kan ein til dømes vise til hovudmål 4: «Innbyggjarane i Alver har god livskvalitet, trygge oppvekstvilkår og god helse» med tilhøyrande mål og vegval. Fleire av desse gjev grunnlag for utvikling av tiltak med fokus på til dømes kap 5.2 i høyringsutkast til kommunedelplan – Helse, sosial og omsorg; *Meistring, deltaking og sjølvstendige liv i heile livsløpet* og kap 5.4 *Tidleg innsats, helsefremming og førebyggjande arbeid*. Dette er følgt opp i framlegg til kommunedelplan helse, sosial og omsorg.

Lovgrunnlag

Lovgrunnlaget finn ein i [Lov om kommunale helse- og omsorgstjenester](#):

§ 3-6.Kommunens ansvar overfor pårørende

«Til personer med særleg tyngende omsorgsarbeid skal kommunen tilby nødvendig pårørendestøtte blant annet i form av:

1. opplæring og veiledning
2. avlastningstiltak
3. omsorgstønad»

og [Lov om pasient- og brukerrettigheter](#) § 2-8.Tiltak ved særleg tyngende omsorgsoppgaver

«De som har særleg tyngende omsorgsarbeid, kan kreve at den kommunale helse- og omsorgstjenesten treffer vedtak om at det skal settes i verk tiltak for å lette omsorgsbyrden og hva tiltakene i tilfelle skal bestå i».

Tenestebehov og kapasitet

Ein ny avlastingsbustad skal dekke behovet for avlasting for ungdomar som ikkje ønskjer tilbod ved, eller som ikkje passar saman med målgruppa for Kvasten avlastingsbustad.

Avlastingstilboda til barn og unge er i stadig endring. Ved dei 5 plassane i dei 3 avlastingsbustadane Ostereidet, Røsvikrenen, og Havnevegen vert det no gitt avlastingstilbod til 10 familiar, mot 6 i oktober 2021

Noverande avlastingstilbod:

Bustad	Plassar	Ungdomar/ familiar som får tilbod	Kommentar
Ostereidet	2	4	2 med omfattande tenester, 2 kun helg
Havnevegen	2	5	2 med omfattande tenester, 3 kun helg + timar
Røsvikrenen	1*	1	1 med omfattande tenester. * Kapasitet til fleire, bemanning til 1 person i dag

Nytt tilbod:

Bustad	Plassar	Ungdomar/ familiar som får tilbod	Kommentar
Ny bustad	5	10	Det vil vere maks 4 ungdomar samstundes slik vedtaka er i dag. Kan aukast til 5 dersom det er personar som trivst og fungerer godt i lag.

Kapasiteten og tilbodet til dei 10 familiare vil ikkje verte endra ved at tenestene vert gitt i eit bygg i staden for 3.

Brukarmedverknad

Det vart i vår gjennomført ei undersøking blant dei 6 familiare som då nytta tilbodet i dei 3 bustadane. 4 av familiare svarta på undersøkinga. Det som kom fram av ønskje/kriteria var:

- Sentral plassering i høve til vidaregåande skular, offentleg kommunikasjon, og fritidstilbod. 3 av 4 nemnde Knarvik som eit alternativ.
- Ikkje for nær familieheimen
- Storleik 2 – 6 plassar, avhengig av alder og sosial fungering.
- Må vera mogeleg både å vere saman og trene på sosiale ferdigheiter, og å kunne vere for seg sjølv på eige rom
- God personaldekning og individuell oppfølging
- God kompetanse på ungdomane sine utfordringar og diagnosar

Alle respondentane kommenterte at dei var nøgd med tilbodet, både med omsyn til omfang, innhald og kvalitet.

Aktuelle bustader

I samarbeid med eigedomsavdelinga, har ulike alternativ vore vurdert ut frå følgjande kriteria:

- rom til inntil 5 ungdomar
- personalfasilitetar med moglegheit for kvilande nattevakt.
- 3 bad/toalett, 2 til ungdomane og 1 til dei tilsette.
- 2 stover
- gjerne 2 kjøkken
- ønskje om hage/uteområde

Bustader som kommunen eig

Lindåsvegen 163 Isdal: Tidlegare bustad for einslege mindreårige flyktningar. Denne bustaden var vurdert som eigna til formålet. På grunn av behov har denne vorte omgjort til

gjennomgangsbustad og vert no nytta til flyktningar.

Røsvikrenen 4 – 6 som i dag er i bruk som kombinert midlertidig bustad for 1 person med døgnkontinuerlege tenester og avlastingsbustad for 1 person med behov for omfattande avlastingstenester. Etter ei ny vurdering av dette bygget er det eit behov for mindre vedlikehald estimert til kr 150 000,-

Røsvikrenen 4-6 har tidlegare vore brukt som avlastingsbustad i Lindås kommune, og fungerte svært godt for ein del born og unge. Grunnen for flyttinga til det som no er Kvasten avlastingsbustad, var behovet for betre universell utforming og mogelegheit for installering av hjelpemiddel for personar med fysisk funksjonshemming, som takheisar og liknande

Kjøp av bustad:

Det er svært få bustader på marknaden som har størrelse og fasilitetar som gjer dei eigna ut frå kriteria. Store bustader som har vore til sals, er kostbare, og det vil medføre kostnader for å fylle krava i arbeidsmiljølova når det gjeld personalfasilitetar.

Nybygg:

Dette har ikkje vore vurdert i særleg grad, då dette må forankrast politisk og krev store investeringar både knytt til tomtekjøp, prosjektering og byggekostnader.

Mogelege gevinstar

Å samle fragmenterte avlastingstenestene vil føre til:

- Mindre isolasjon og mogelegheit til sosialt samvær ut frå den einskilde sine behov og evner
- Auka sjølvstende og meistring, ved å kunne nytte fritidsaktivitetar og møteplassar utan å vere avhengig av å verte transportert
- Større fagmiljø og betre rekruttering av fagpersonar og vikarar. Likevel få tenesteytarar til kvar einskild ungdom
- Betre kvalitet på tenestene
- Betre ressursutnytting
- Reduksjon i behov for nattevakter
- Betre rettstryggleik ved å ha meir transparente tenester
- Redusert bruk av overtid ved fråvær

Risiko:

- Nye born/unge der familiene kan ha behov for avlasting, vil ha behov for avlasting som kommunen ikkje kan møte innanfor noverande avlastingstilbod. Det vil då vere behov for å etablere nye tiltak.
- Turnover og rekrutteringsvanskar i den noverande organiseringa av desse avlastingstenestene, på grunn av at ein må arbeide mykje åleine, og opplever ikkje å vere ein del av eit fagmiljø/arbeidsmiljø.

Økonomi

Når det gjeld økonomi er dette for det meste knytt til lønsutgifter og årsverk.

Slik drifta er i dag treng me 14 årsverk for å drifte avlastingstenestene på 3 lokasjonar. Ved å samle dette på ein lokasjon vil me kunne drifte det med 12 årsverk.

For å rekruttere fagpersonar slik det er i dag har me lagt til rette som døgnturnusar, ved å samle teneste vil me kunne ha døgnturnusar kombinert med langvakter. Dette vil sikre kontinuitet i tenestene og redusere ressursbruk på natt.

Å drifte tenester på 3 ulike lokasjonar, fører til at me må bruke ekstra personalressursar for å ivareta tryggleiken for ungdommane og dei tilsette. I periodar må ha 2 tilsette på jobb på grunn av at det tar for lang tid å tilkalle ekstra personale dersom akutte situasjonar oppstår.

Ei innsparing på 2 årsverk utgjør om lag kr 1 500 000,- inkludert tillegg og sosiale utgifter.

Vurdering:

Kommunedirektøren vurderer at ein ved å ta i bruk Røsvikrenen som avlastingsbustad for den aktuelle målgruppa vil utvikle tenestilbodet i tråd me føringar i Kommuneplanen sin samfunnsdel, og høyringsutkast til kommunedelplan helse, sosial og omsorg 2022-2034.

Kommunedirektøren vurderer at dei samla gevinstane for brukarane, dei tilsette sitt arbeidsmiljø, kvaliteten på tenestene, rettstryggleik, transport og logistikk, samt betre samla nytting av ressursar og kompetanse, vil føre til eit betre innhald og kvalitet i tenestene, og at opplevinga av reell avlastning for foreldre og føresette såleis vil verte betre.

Kommunaldirektøren vurderer at ein ved å samle avlastningstilbodet for den aktuelle brukargruppa, vil kunne gi kvalitativt gode tenester, og samstundes redusere utgiftene.

Kommunedirektøren si tilråding

Kommunedirektøren tilrår følgjande:

- a. Røsvikrenen 4-6 vert tatt i bruk som avlastingsbustad, som alternativ til noverande organisering med avlastingstilbod på Ostereidet, Røsvikrenen i Knarvik og Havnevegen på Frekhaug.
- b. Klargjering av bustad vert finansiert innanfor gjeldande budsjetttramme.

Arkiv: <arkivID><jplID> FA-G00
JournalpostID:
Sakshandsamar:
Dato: 19.10.2022

Saksframlegg

Saksnr.	Utval	Møtedato
045/22	Eldreråd	07.11.2022
050/22	Råd for menneske med nedsett funksjonsevne	07.11.2022
038/22	Ungdomsråd	07.11.2022
043/22	Utval for helse og omsorg	08.11.2022
110/22	Alver formannskap	10.11.2022
	Alver kommunestyre	

Evaluering prøveordning - Kommunalt følge på ferie- og fritidsreise for personar med nedsett funksjonsevne

Kommunedirektøren sitt framlegg til vedtak:

Alver kommunestyre godkjenner å forlenge prøveordning kommunal følge på ferie- og fritidsreise for personar med nedsett funksjonsevne ut 2023.

Ubrukte fondsmidlar til føremålet vert overført frå 2022 til 2023. Om tilgjengelege fondsmidlar i 2023 ikkje er tilstrekkeleg jamfør søknadstal vert det fremja eiga sak.

Det vert utforma evalueringsrapport innan desember 2023.

Politisk handsaming

Saka skal til uttale i ungdomsråd, eldreråd og råd for menneske med nedsett funksjonsevne. Saka skal til innstilling i utval for helse og omsorg og formannskap. Saka skal avgjerast i kommunestyret.

Saka gjeld

Alver kommunestyre sak 142/20 dato 26.11.20 godkjente prøveordning med retningslinje for kommunalt følge på ferie og fritidsreise for personar med nedsett funksjonsevne for perioden 2021-2022.

Alver kommunestyre sak 031/21 dato 25.03.21 godkjente fondsvedtekter for prøveordninga – Fond for kommunalt følge på ferie og fritidsreise for personar med nedsett funksjonsevne for perioden 2021-2022.

Det skal utformast evalueringsrapport innan desember 2022.

Saksopplysningar

Alver kommune etablerte prøveordninga for 2021-2022 med ønskje om å legge til rette for at personar med nedsett funksjonsevne (fysisk og/eller psykisk) skal få eit tilbod om å gjennomføre ferie- og fritidsreise med bistand frå kommunalt personell. Ordninga er uavhengig alder og diagnose for den einskilde i målgruppa.

Vidare ville ein sikre at ferie- og fritidsreise vert planlagt og gjennomført forsvarleg, samt at arbeidsvilkår for tilsette er i tråd med gjeldande lov- og avtaleverk.

Det er per tid ikkje lovgrunnlag som pliktar kommunen å etablere eit slikt tenestetilbod, og det er heller ikkje økonomiske vilkår som støttar opp om dekking av kommunal meirkostnad.

Relatert til kommunal meirkostnad vart det etablert prøvordning med kommunalt fond til dekking av inntil 50% av meirkostnad (løn, døgntillegg og diett). Reise og opphald for kommunalt personell vert å dekke av aktuell brukar/deltakar.

Kommuneplan

[Alver kommune - kommuneplan samfunnsdel 2022-2034](#) legg føringar for korleis vi vil utvikle samfunnet vårt, kva vi skal satse på, kva visjonar og mål vi har for framtida – og kva vi må gjere for å kome dit. Kommunedelplan helse, sosial og omsorg skal bidra til måloppnåinga.

Utval for helse og omsorg sak 038/22 dato 04.10.22 har vedtatt å sende [Alver kommune - høyring kommunedelplan helse, sosial og omsorg 2022-2034](#) på høyring og offentleg ettersyn. Høyringsfrist er 01.12.22

I kommuneplan samfunnsdel kan ein til dømes vise til hovudmål 4: «Innbyggjarane i Alver har god livskvalitet, trygge oppvekstvilkår og god helse» med tilhøyrande mål og vegval. Fleire av desse gjev grunnlag for utvikling av tiltak med fokus på til dømes meistring, deltaking og sjølvstendige liv i heile livsløpet. Dette er fulgt opp i framlegg til kommunedelplan helse, sosial og omsorg med omsyn til å vidareføre dette tenestetilbodet.

Evalueringsgrunnlag

I prøveperioden har tilbod om [kommunalt følgje på ferie- og fritidsreise](#) vore digitalt informert og tilgjengeleg på kommunal heimeside og facebook. I tillegg har alle aktuelle tenesteområde og avdelingar informert målgrupper direkte.

Datagrunnlag er per tid følgjande:

År	Søknad - gjennomført tur	Søknad - ikkje gjennomført tur	Vurderte å søkje	Merknad
2021	3	0	0	Dei som vurderte å søkje eller ikkje gjennomført tur oppgav ulike grunnar både relatert til økonomi og andre årsakar.
2022	19	4	3	

Variasjon aldersfordeling: 19–65 år
Variasjon reisedøgn: 1–7 døgn
Bruk av fondsmidlar 2021: kr. 4.655,-
Bruk av fondsmidlar per oktober 2022: kr. 88.875,-
Unyttta fondsmidlar per oktober 2022: Kr. 106.470,-

Alle som gjennomførte tur i 2021 og 2022 fekk tenester frå tenesteområde Habilitering. Det er per oktober 2022 ingen søkjarar relatert til tenesteområde psykisk helse og rus eller andre tenesteområde i helse og omsorg.

Administrasjon vurderer at evalueringsgrunnlag er svakt då tal søkjarar er lågt jamfør målgruppe. Lågt søkjartal kan til dømes relaterast til:

- pandemisituasjon i perioden
- at målgruppa opplever manglande eller ikkje tilstrekkeleg informasjon, eller at ein ikkje forstår ordninga
- at personleg økonomi har gjort at ein ikkje har søkt på ordninga

- at ein har nytta andre ordningar som til dømes Ramberg legat og/eller nytta eige nettverk for å få gjennomført ønska tur.

Dei som har gjennomført tur gjev positive tilbakemeldingar både med omsyn til planleggings- og gjennomføringsfase. Det er ikkje gjennomført eiga undersøking i prøveperioden med omsyn til kvifor personar i målgruppa ikkje har nytta tilbodet.

Alternativ tilskotsordning

Når det gjeld tilgong på alternative tilskotsordningar kan ein vise til at kommunen administrerer ei anna ordning på vegne av styret i [Ramberg legat: «Økonomisk støtte til avlasting og følgje på feriereise»](#). Årleg ramme for tildeling er her kr. 150.000,-

Søkjjarar til Ramberg legat var 26 personar i 2021 og 54 personar i 2022. Grunna auke i tal søkjjarar i 2022 vedtok styret i legatet å auke økonomiske ramme for tildeling. Legatet gav kr. 324.000,- til føremålet i 2022. Ein avventer tilbakemelding frå styret for om ordninga held fram i 2023.

Vurdering:

Kommunedirektør vurderer at evalueringsgrunnlag er svakt med omsyn til å tilrå fast etablering av gjeldande retningslinje og/eller å tilrå justeringar.

Kommunedirektør vurderer at gjeldande vilkår i retningslinje og fondsvedtekter bør forlengast ut 2023. Vidare vert ubrukte fondsmidler frå 2022 å overføre til 2023. Om tilgjengelege fondsmidlar i 2023 ikkje er tilstrekkeleg jamfør søknadstal vert det fremja eiga sak.

I utvida prøveperiode vil ein arbeide aktivt med å kvalitetssikre tilgjengeleg informasjon om tilbodet samt at ordninga vert forstått i målgruppa. Vidare vil ein både kvalitetssikre evaluering frå dei som gjennomfører tur samt etablere undersøking for å få tilbakemelding frå målgruppa på kvifor ordninga eventuelt ikkje er aktuell å nytte.

Ny evalueringsrapport vert utforma innan desember 2023.

Kommunedirektøren si tilråding

Kommunedirektøren tilrå at kommunestyre forlenger prøveordning kommunalt følgje på ferie- og fritidsreise for personar med nedsett funksjonsevne ut 2023.

Ubrukte fondsmidlar vert å overføre frå 2022 til 2023. Om tilgjengelege fondsmidlar i 2023 ikkje er tilstrekkeleg jamfør søknadstal vert det fremja eiga sak.

Det vert utforma evelueringsrapport innan desember 2023

Vedlegg i saken:

31.10.2022	Alver kommune - Retningslinje for kommunalt følgje på ferie- og fritidsreise	1824270
31.10.2022	Alver kommune - Fondsvedtekter for kommunalt følgje på ferie- og fritidsreiser	1824274

Arkiv: <arkivID><jplD> FA-G01
JournalpostID:
Sakshandsamar:
Dato: 01.11.2022

Saksframlegg

Saksnr.	Utval	Møtedato
048/22	Utval for helse og omsorg	08.11.2022
111/22	Alver formannskap	10.11.2022
	Alver kommunestyre	

Øyeblikkeleg hjelp døgntilbod i Alver kommune frå 2023.

Kommunedirektøren sitt framlegg til vedtak:

Alver kommunestyre tek saka til orientering og ØHD-tilbodet i kommunen vert frå 01.01.2023 organisert ved Knarvik sjukeheim, korttidsavdeling.

Politisk handsaming

Saka skal til innstilling i utval for helse og omsorg og formannskapet.
Saka skal avgjerast i kommunestyret.

Saka gjeld

Viser til [Alver kommunestyre sak 154/21](#) møtedato 16.12.21 der det vart vedtatt at Alver kommune seier opp avtalen med samarbeidskommunane om øyeblikkeleg hjelp døgntilbod

I løpet av 2022 skulle kommunedirektør komme tilbake med sak om løysing av den lovpålagde oppgåva om å tilby døgnopphald for helse- og omsorgstenester til pasientar og brukarar med behov for øyeblikkeleg hjelp.

Saksopplysningar

Sakshistorikk

Interkommunalt Øyeblikkeleg hjelp døgntilbod (ØHD) vart etablert i 2013 ved Nordhordland legevakt (NHLV), som eit prosjekt med finansiering frå Helsedirektoratet og helseføretak.

Frå 01.01.2016 vart det sett i verk lovkrav for kommunane å ha eit slikt tilbod for pasientar med somatiske lidningar, og frå 01.01.2017 blei lovkravet utvida til også å gjelde personar med psykisk sjukdom og/eller rusmiddelproblem. Frå 1.1.2016 er tiltaket finansiert gjennom rammetilskot til kommunane.

Tilbodet ved den interkommunale Øyeblikkeleg hjelp sengeposten vart evaluert, og i etterkant av evalueringa vart avtalen om interkommunal ØHD sagt opp. Kvar einskild kommune er i ferd med å etablere eigne ØHD sengar ut frå det som er hensiktsmessig i eigen kommune. Det har vore dialog mellom kommunalsjefane, mellom kommuneoverlegane, og i fellesmøte mellom kommunalsjefar for helse og omsorg og kommuneoverleger i Nordhordland og Gulen.

Kommuneplan

[Kommuneplan Alver kommune - kommuneplan samfunnsdel 2022-2034](#) legg føringar for

korleis vi vil utvikle samfunnet vårt, kva vi skal satse på, kva visjonar og mål vi har for framtida – og kva vi må gjere for å kome dit. I kommuneplan samfunnsdel kan ein til dømes vise til målformuleringa: «Innbyggjarane i Alver får tenester tilpassa sine behov». Kommunedelplan helse, sosial og omsorg skal bidra til måloppnåinga.

Utval for helse og omsorg sak 038/22 dato 04.10.22 har vedtatt å sende [Kommunedelplan helse, sosial og omsorg 2022-2034](#) på høyring og offentleg ettersyn. Høyringsfrist er 01.12.22

Lovgrunnlag:

[Helse og omsorgstenestelova](#) kapittel 1 syner formål og virkeområde.

[Helse og omsorgstjenesteloven kapittel 3](#) skildrar "Kommunenenes ansvar for helse- og omsorgstjenester». I § 3-5. *Kommunens ansvar for øyeblikkelig hjelp*, står det mellom anna «Kommunen skal sørge for tilbud om døgnopphold for helse- og omsorgstjenester til pasienter og brukere med behov for øyeblikkelig hjelp. Plikten gjelder kun for de pasienter og brukere som kommunen har mulighet til å utrede, behandle eller yte omsorg til.»

[Helse og omsorgstenestelova kapittel 4](#) omhandler krav til forsvarlighet, pasienttryggleik og kvalitet.

Forskrift om kommunenes plikt til å sørge for øyeblikkelig hjelp døgntilbud

«§ 1. Kommunens plikt til å sørge for øyeblikkelig hjelp døgntilbud

Kommunen skal sørge for tilbud om døgnopphold for helse- og omsorgstjenester til pasienter og brukere med behov for øyeblikkelig hjelp.

§ 2. Begrensninger i kommunens plikt til å sørge for øyeblikkelig hjelp døgntilbud

Kommunens plikt etter § 1 gjelder kun for de pasienter og brukere som kommunen har mulighet til å utrede, behandle eller yte omsorg til.

Kommunens plikt etter § 1 gjelder pasienter og brukere med somatisk sykdom og sykdom innenfor psykisk helse- og rusområdet.

§ 3. Ikraftsetting

Forskriften settes i kraft fra 1. januar 2016.»

Lov om helsepersonell

«§ 4. Forsvarlighet

Helsepersonell skal utføre sitt arbeid i samsvar med de krav til faglig forsvarlighet og omsorgsfull hjelp som kan forventes ut fra helsepersonellets kvalifikasjoner, arbeidets karakter og situasjonen for øvrig.

Helsepersonell skal innrette seg etter sine faglige kvalifikasjoner, og skal innhente bistand eller henvise pasienter videre der dette er nødvendig og mulig. Dersom pasientens behov tilsier det, skal yrkesutøvelsen skje ved samarbeid og samhandling med annet kvalifisert personell. Helsepersonell har plikt til å delta i arbeid med individuell plan når en pasient eller bruker har rett til slik plan etter pasient- og brukerrettighetsloven § 2-5.

Ved samarbeid med annet helsepersonell, skal legen og tannlegen ta beslutninger i henholdsvis medisinske og odontologiske spørsmål som gjelder undersøkelse og behandling av den enkelte pasient.»

Tilhøve mellom lov/forskrift og rettleiarar/tilrådingar

Lov om kommunale Helse – og omsorgstjenester

«§ 12-5. *Nasjonale faglige retningslinjer, veiledere og kvalitetsindikatorer.*

Helsedirektoratet skal utvikle, formidle og vedlikeholde nasjonale faglige retningslinjer og veiledere som understøtter de mål som er satt for helse- og omsorgstjenesten. Retningslinjer og veiledere skal baseres på kunnskap om god praksis og skal bidra til kontinuerlig forbedring av virksomhet og tjenester.

Helsedirektoratet skal utvikle, formidle og vedlikeholde nasjonale kvalitetsindikatorer som hjelpemiddel for ledelse og kvalitetsforbedring i den kommunale helse- og omsorgstjenesten, og som grunnlag for at pasienter og brukere kan ivareta sine rettigheter. Kvalitetsindikatorene skal gjøres offentlig tilgjengelig»

Retningslinjer og rettleiarar kan være verdifulle hjelpemiddel for å handtere dei vurderingane

tenesteytarane må gjere for å oppnå forsvarlegheit og god kvalitet i tenestene, men er ikkje rettsleg bindande for kommunane. Kommunen må derfor sjølv vurdere om dei tenestene som den tilbyr oppfyller lova sine krav. Dersom ein kommune ønskjer å yte tenester på ein annan måte enn det som er gitt i ulike rettleiarar og retningslinjer, så kan kommunar dokumentere og gjere greie for forvarlegheiten gjennom internkontrollsystem, planar eller lignande.

I det følgjande blir forkortinga «ØHD» nytta om øyeblikkeleg hjelp døgnplassar.

Oppsummering:

Det er gitt føringar i lov, forskrift og lovforarbeid, som kan samanfattast slik:

1. Det er kommunen som bestemmer innretninga og omfanget av ØHD-tilbodet.
2. Målgruppene er pasientar i kommunane som kan få eit forsvarleg tilbod i ØHD-senger.
3. Tilbodet skal vere fagleg forsvarleg og det skal vere kommunehelseteneste/allmenntilleg.
4. Kva pasientar som vert tatt inn i sengene gjev føringar for krav til bemanning – og omvendt: bemanninga set grenser for kva pasientar som kan få eit forsvarleg tilbod ved innlegging i ØHD.
5. Tilbodet skal gjelde pasientar med somatisk sjukdom og sjukdom innanfor psykisk helse- og rusområdet.
6. Tilbodet kan og omfatte brukarar som har eit meir omsorgsretta behov.
7. Eit hovudformål er å gi eit døgntilbod til dei pasientane som kan få eit forsvarleg tilbod i kommunehelsetenesta, og som ikkje treng spesialisthelsetenester.
8. Eit hovudformål med tilbodet er å betre pasientforløp og gje tenester nærare der pasientane bur.
9. Sentrale myndigheiter har lagt til grunn at kommunale ØHD tilbod vil føre til mindre etterspurnad etter sjukehussenger.
10. Tilbodet skal vere kostnadseffektivt.

Øyeblikkeleg hjelp døgnplassar er eit lovpålagt tilbod på linje med andre lovpålagde helse- og omsorgstilbod i kommunen, og det er opp til den einskilde kommune å sjølv ta stilling til kva som er den mest hensiktsmessige innretninga på tilbodet, sett i lys av andre tilbod i kommunen, og omsyn til gode pasientforløp og god ressursutnytting.

Vurdering:

Kommunedirektør vurderer at å yte tenestetilbod ØHD-seng for eigne innbyggjarar i eigen kommune vil gjere det lettare å skreddersy tilbod til den einskilde pasient i samarbeid med andre kommunale helse- og omsorgstenester. Dette var eitt av hovudføremåla med innføringa av kommunale ØHD sengar etter stortingsmelding nr. 47 om Samhandlingsreformen.

Vi planlegg 1 ØHD- seng tilknytt korttidsavdeling ved Knarvik sjukeheim. Denne sjukeheimen er vurdert til å vera best eigna. Dette mellom anna grunna at det her er flest korttidsplassar og lege til stades kvar vekedag. Kommunedirektør vurderer dette som eit fagleg best eigna tilbod for innbyggjarane.

Det vert vidare jobba med detaljar for planlegging av prosedyrar for innlegging og samarbeid med øvrige tenester før oppstart 01.01.2023. Prosedyrer vert her handtert i kvalitetssystemet.

Økonomiske konsekvensar

Økonomisk vurderer kommunedirektøren ØHD- tilbodet ved Knarvik sjukeheim som best eigna og økonomisk forsvarleg jamfør innsparingstiltak i budsjett og økonomiplan. Sjukeheimen har den kompetansen tilbodet krev og kompetansen vert nytta til andre pasientar om det ikkje er pasient i ØHD- seng.

Tenestetilbodet vert finansiert innanfor sjukeheimane sitt budsjett.

Kommunedirektøren si tilråding

Kommunedirektør tilrår at saka vert tatt til orientering og at ØHD- tilbodet i kommunen frå 01.01.2023 vert organisert ved Knarvik sjukeheim, korttidsavdeling.

Arkiv: <arkivID><jplID> FE-034
JournalpostID:
Sakshandsamar:
Dato: 03.11.2022

Saksframlegg

Saksnr.	Utval	Møtedato
112/22	Alver formannskap	10.11.2022
	Alver kommunestyre	

Kanal- og servicestrategi 2022-2026

Kommunedirektøren sitt framlegg til vedtak:

Formannskapet og kommunestyret vedtar Kanal- og servicestrategi 2022-2026.

Politisk handsaming

Saka skal til innstilling i formannskapet

Saka skal avgjerast i kommunestyret

Dette er den første kanal- og servicestrategien til Alver kommune. Strategien er eit verktøy for alle leiarar og tilsette i kommunen.

Målet med strategien er å sikre at innbyggjarar finn og forstår informasjon frå kommunen. I strategien har vi eit særleg fokus på å styrke nettsida og dei digitale tenestene vi tilbyr der, men strategien omtalar også alternative måtar å ta kontakt med kommunen.

Strategien foreslår reglar for svartid og service i følgjande kanalar:

- Dei digitale kanalane våre
- På telefon
- I sosiale medier
- Det personlege møtet
- Det digitale møtet
- Skriftleg kommunikasjon

Kanal- og servicestrategien gjeld i fire år, til og med 2026.

Saksopplysningar

10. juni 2021 (sak 054/21) fekk kommunedirektøren i oppdrag frå formannskapet å utarbeide ei «heilskapleg sak om kanalstrategi».

Alver sine mål

Sidan den politiske bestillinga i juni 2021 har vi fått på plass kommuneplanen sin samfunnsdel (2022–2034) som gir retning til arbeidet med kanal- og servicestrategien.

Kanal- og servicestrategien tar utgangspunkt i følgjande strategiar frå samfunnsdelen:

- Vi skal vere ein imøtekommande og open kommune, og leggje til rette for at alle innbyggjarar får god informasjon og rettleiing om kommunen sine tenester
- Vi skal utvikle kanalar og verktøy som sikrar god kommunikasjon og samhandling med innbyggjarar og næringsliv
- Vi skal ta i bruk fleire digitale sjølvhjelpslysingar
- Vi skal samarbeide på tvers av fagområde for å koordinere tenester
- Vi skal sette innbyggjaren i sentrum, forenkle arbeidsprosessar og bruke teknologi/digitalisering til å utvikle tenester og organisasjon

Nasjonale føringar

Kommunelova § 4 og digitaliseringsstrategien for offentleg sektor (2019–2025) er også tydeleg på oppdraget til kommunane:

- Vi skal digitalisere tenestene på ein måte som gjer at kvardagen blir enklare mogleg for innbyggjarane.
- Vi skal aktivt informere om tilboda i kommunen, og leggje til rette for at innbyggjarane kan få innsyn i jobben vi gjer.

Kartlegging av kanalane våre

Før vi seier korleis vi skal vidareutvikle kanalane våre og kva kanalar som eventuelt manglar, treng vi kunnskap om kva som er status i dag.

Våren og sommaren 2022 kartla vi difor trafikken i dei ulike kanalane vi brukar i dag. Kunnskapsgrunnlaget vart presentert i formannskapsmøte 3. november, og er samla i ein rapport/presentasjon (vedlegg til denne saka).

Rapporten inneheld:

- Aktivitet på innbyggjarportalen www.alver.kommune.no – (oktober 2021–september 2022)
- Spørsmål til chatboten Kommune-Kari (18. april–14. august)
- Aktivitet på kommunen sine offisielle sider på Facebook, Instagram og LinkedIn – (1. oktober 2021–30. september 2022)
- Besøk til resepsjonane våre i Knarvik, på Frekhaug og Manger (18. april–14. august)
- Telefonar til sentralbordet (56 37 50 00) (18. april–14. august)
- Inngåande og utgåande post (siste halvår)
- Tal frå Statistisk sentralbyrå (SSB) om tilgang til nett, verktøy og bruk av digitale tenester

Kartlegginga viser at ein stor del av kontakten vi har med innbyggjarane våre allereie er digital. Til dømes kjem berre 12 % av breva til dokumentsenteret på papir – resten kjem på e-post og andre digitale kanalar. Ein stor del av dei 12 prosentane er byggesaker. Når vi får på plass e-byggesak om 1-2 år, vil den digitale andelen bli endå større.

Kartlegginga viser også at det er minst trafikk i kanalane vi brukar mest ressursar på å bemanne, nemleg telefon og resepsjon, og mest trafikk i sjølvbetente kanalar som innbyggjarportalen og sosiale medier.

I arbeidet med kanal- og servicestrategien har vi særleg lagt vekt på følgjande funn frå kartlegginga:

- Besøk til resepsjonane våre i Knarvik, på Frekhaug og Manger:
 - Vi brukar mest tid på å ta imot/levere ut post og opne døra til folk som skal på besøk/møte
 - Vi brukar minst tid på innbyggjarrettleiing (16 % i snitt)
 - Måndagar og tysdagar er dei travlaste dagane på Manger -

- onsdagar er dei travlaste dagane på Frekhaug og i Knarvik
- Det varierer når vi har mest besøk:
 - Knarvik: 9-10 og 12-13
 - Manger: 10-11 og 13-14
 - Frekhaug: 8-9 og 12-13
- Besøket går markant ned etter klokka 15.00
- Telefonar til sentralbordet 56 37 50 00:
 - Vi får færrest telefonar i tidsromma 08.00–09.00 og 15.00–15.30 – flest telefonar i tidsromma 10.00–11.00 og 12.00–13.00.
 - Om lag 90 % av telefonane kom mellom 09.00 og 15.00.
 - Om lag 20 % av telefonane innbyggjarservice set over til andre avdelingar, kjem i retur til sentralbordet.

Digitalt førsteval

Bakgrunnen for digitalt førsteval er todelt:

- For det første gir digitale løysingar betre tenester til innbyggjarane, med enklare søknadsprosessar og raskare svar.
- For det andre har digitalisering av dialogen med innbyggjarane eit betydeleg innsparingspotensiale og kan bidra til at det er mogleg å frigjere eller omdisponere ressursar.

Målet når vi utviklar nye digitale tenester er å gjere desse så enkle og tilgjengelege at fleirtalet føretrekker den digitale dialogen (digitalt førsteval).

Vidareutvikling av digitale sjølvbeteningsløysingar er ein føresetnad for å realisere ein tids- og kostnadseffektiv dialog med innbyggjarane. Skal vi klare å realisere krava til innsparing i økonomiplanen og bruke ressursane som er att meir effektivt, må vi redusere trafikken i dei kostbare kanalane.

Kontakt via brev eller med personleg oppmøte er dei mest kostbare kommunikasjonsformene (sjå tabell 1). Det er med andre ord mykje å spare på å leggje meir til rette for gode sjølvbetente løysingar på nettsida til kommunen.

Tabell 1: Digital agenda for Norge – kostnader for kontakt til det offentlege (2015–2016)

Kommunikasjonskanal	Kostnad (2015)
Sjølvbetening på nett	Ca 3 kroner
Telefon	Ca 40 kroner
Personleg frammøte	Ca 80 kroner
Brev eller e-post	Ca 110 kroner

Tal frå SSB, viser at stadig fleire har tilgang til ikt-verktøy og internett, og brukar dei aktivt i kvardagen:

- 99 % av alle hushald **har tilgang på internett** (2022)
- 96 % i aldersgruppa 16–79 år **brukar internett på mobil/smarttelefon** – bruken er størst i aldersgruppa 16-54 (99 %), lågast i aldersgruppa 75-79 (79 %) (2021)
- 70 % i aldersgruppa 16-79 **har skaffa seg informasjon frå offentlege aktørar sine nettsider** (2022) – aktiviteten er størst i aldersgruppa 25-34 år (80%) og minst i aldersgruppa 75-79 (45 %) (2022)
- 85 % i aldersgruppa 16-79 **har fått tilgang til eigen personleg informasjon lagra av offentlege aktørar** – aktiviteten er størst i aldersgruppa 45-64 år (89%) og minst i aldersgruppa 16-24 (72 %) (2022)
- 75 % i aldersgruppa 16-79 **har sendt inn utfylte skjema til det offentlege gjennom internett** – aktiviteten er størst i aldersgruppa 25-34 år (89%) og minst i aldersgruppa 16-24 (57 %) (2021)

Vurdering

I dag manglar vi ein overordna og heilskapleg tilnærming til innbyggjarservice i Alver kommune. Avdelingane i kommunen har ulike opningstider og ulike rutinar for kontakt med innbyggjarane. Dei fleste får god service og hjelp når dei tar kontakt med kommunen, men vi opplever også at enkelte går i ring mellom avdelingar eller må vente lenge før dei får svar.

Skal vi nå måla i samfunnsdelen må vi jobbe meir samla og fokusert med innbyggjarservice.

Korleis skal vi få til dette?

Hovudgrepa i kanal- og servicestrategien er å:

1. Endre opningstida på innbyggjarservice – og på den måten flytte ressursar og aktivitet frå dei dyre, fysiske kanalane til dei digitale, sjølvbetente kanalane.
2. Vidareutvikle nettsida og dei digitale tenestene.
3. Etablere ein felles servicestandard og systematisere samarbeidet mellom avdelingane i kommunen.

Hovudgrep 1: Endra opningstid på innbyggjarservice

I dag kan innbyggjarar som treng hjelp ringe innbyggjarservice på 56 37 50 00 eller besøke ein av dei tre resepsjonane våre i Knarvik Senter, kommunehuset på Frekhaug og kommunehuset på Manger. Telefonen og resepsjonane er opne frå 08.00–15.30.

Opningstida gjer at dei tilsette på innbyggjarservice må ha avdelingsmøte på overtid og har liten/ingen tid til å byggje kompetanse og samhandle med andre avdelingar.

Staben på innbyggjarservice er redusert med om lag 4 årsverk frå samanslåinga i 2020. Skal vi gi dei som er att ein god arbeidskvardag, og sikre at innbyggjarane får god hjelp når dei tar kontakt – må vi justere tilbodet.

Vi foreslår å endre opningstida på innbyggjarservice til 09.00–15.00. På denne måten kan vi frigjere tid til viktig samhandling med avdelingane. Når vi får sett samarbeidet i system, vil innbyggjarservice få meir kunnskap om kva som skjer i avdelingane. Effekten vil vere at innbyggjarservice kan svare på fleire spørsmål utan å involvere avdelingane, slik at dei får frigjort meir tid til sakshandsaming.

Vi foreslår også å endre kva dagar innbyggjarservice skal vere tilgjengeleg på dei ulike lokasjonane. Forslaget er at vi har ope alle dagar i Knarvik og deler veka mellom Manger (ope 3 dagar) og Frekhaug (ope 2 dagar).

Vi ønskjer å marknadsføre telefon som hovudalternativet til nettsida og dei digitale kanalane våre, og vil gjere det enklare for innbyggjarar å booke møte med saksbehandlarar og registrere seg sjølv når dei kjem til avtalte (fysiske) møte.

Vi vil etablere digitale kundemottak på Alver rådhus, kommunehuset på Frekhaug og kommunehuset på Manger, slik at innbyggjarane er i direkte dialog med den dei skal besøke utan noko mellomledd.

Hovudgrep 2: Vidareutvikle nettsida og dei digitale tenestene

For mange av innbyggjarane våre startar kontakten med kommunen på nett. Kanal- og servicestrategien har difor eit særleg fokus på å styrke nettsida og dei digitale tenestene vi tilbyr der.

Dei aller fleste innbyggjarane våre er digitale og har tilgang til ikt-verktøy. For denne gruppa blir det opplevd som god service at vi vidareutviklar og tar i bruk nye sjølvhjelpsløysingar.

Med fleire digitale skjema og fleire tenester på Min Side, kan innbyggjaren sjølv i større grad

finne informasjon knytt til tenestene dei får frå kommunen.

Hovudgrep 3: Felles servicestandard og systematisk samarbeid mellom avdelingane i kommunen

Kanal- og servicestrategien set ein felles standard for service i Alver kommune. Den er eit viktig verktøy for leiarar og tilsette, og skal sikre at vi jobbar ilag for å møte behova til innbyggjarane våre.

Innbyggjarane skal sleppe å uroe seg for om dei tar kontakt med rett person eller avdeling. Når innbyggjarane tar kontakt med oss skal vi opptre som éin kommune. Vi skal ha tilstrekkeleg kunnskap om dei andre avdelingane, og ta ansvar for å løse innbyggjarane til rett stad om dei bommar når dei tar kontakt. Det er sjølvsagt ekstra viktig at innbyggjarservice kjenner organisasjonen og dei ulike fagområda godt, men vi må jobbe som eit lag på tvers av alle fagområde.

Kvar avdeling skal lage eigne handlingsplanar som sikrar at dei tilsette får tilstrekkeleg kunnskap om korleis vi skal møte og vareta innbyggjarane våre i ulike kanalar. Vi skal gjere service og tilgjenge til eit tema på leiarmøte og avdelingsmøte, og jakte på løysingar som møter behova til innbyggjarane.

Vi ønskjer også å invitere innbyggjarane til ei årleg spørjeundersøking og lage rapport om behovet til innbyggjarane og aktiviteten i dei ulike kanalane våre. På denne måten kan vi justere strategien og tiltaka – slik at vi endrar oss i takt med nye behov og forventningar.

Oppsummering og konklusjon

- Vi skal vere ein imøtekommande og open kommune, og leggje til rette for at alle innbyggjarar får god informasjon og rettleiing om kommunen sine tenester – då må vi vere tilgjengeleg for innbyggjarane våre i fleire kanalar.
- Nasjonale føringar, kunnskapsgrunnlaget (kartlegging av kanalane våre i dag) og statistikk frå SSB viser at det er dei digitale kanalane som er dei mest attraktive. Folk flest ønskjer å hjelpe seg sjølv på nett – difor må vi leggje til rette for at dei finn og forstår den digitale informasjonen vår. Vi må levere godt i dei digitale kanalane vi har i dag, og vi må utvikle og tilby nye digitale kanalar og løysingar.
- Samtidig må vi yte god service til innbyggjarane våre som ikkje har dei digitale kanalane som sitt førsteval. Difor skal vi framleis vere tilgjengelege på telefon og på innbyggjarservice i Knarvik, på Manger og Frekhaug.
- Vi skal ha ein felles standard for service i Alver kommune. Innbyggjarane skal vere trygge på at dei får svar frå oss, uansett kva kanal dei tar kontakt med oss i, og kva avdeling dei kontaktar. Vi skal sikre at vi internt har gode samhandlingsrutinar og handlingsplanar for god service til innbyggjarane våre.

Vedlegg i saken:

03.11.2022	Kanal og servicestrategi 2022-2026	1828671
03.11.2022	Vedlegg til FO_Rapport om kanalbruk i Alver_10-11-22	1828672

Arkiv: <arkivID><jpID>
FA-M9, TI-&00

JournalpostID:

Sakshandsamar:

Dato: 24.10.2022

Saksframlegg

Saksnr.	Utval	Møtedato
113/22	Alver formannskap	10.11.2022
	Alver kommunestyre	

Endra forskrift om vass- og avløpsgebyr, gebyrgrunnlag som er kobla til garasje

Kommunedirektøren sitt framlegg til vedtak:

«Kommunestyret godkjenner framlegg til endringar i lokal forskrift om vass- og avløpsgebyr i Alver, revidert 01.11.2022. Endringa gjeld:

Endra § 1-6

.....

I den grad utrekning av gebyr er avhengig av bygd areal, skal arealet målast ut frå bruksarealet (BRA) slik det er ført i matrikkelen. Tidlegare registrerte arealdata kan nyttast inntil matrikkeldata ligg føre.

..... »

Politisk handsaming

Saka skal til innstilling i formannskapet
Saka skal avgjerast i kommunestyret

Saka gjeld

Lokal forskrift om vass- og avløpsgebyr for Alver kommune vart sist revidert etter vedtak i kommunestyret 17.12.2020. Forskrifta stiller opp Alver kommune sine reglar for korleis avgiftene skal reknast ut. Forskrifta gjeld heilt til den evt blir endra eller oppheva, og treng ikkje oppdaterast kvart år med mindre det er særskilt behov for det.

Sjølve avgiftene blir fastsett kvart år av kommunestyret i samband med budsjettprosessen. Denne saka handlar ikkje om avgiftene, men om forslag til endring av utrekningsreglane for å kome fram til arealet som gebyret skal ta utgangspunkt i. Dette på bakgrunn av erfaringar med praktisering av forskrifta, knytt til garasjeareal.

Dersom kommunestyret går inn for forslag til endringar, blir teksten i den lokale forskrifta § 1-6 endra.

Saksopplysningar

Bakgrunn:

Sakshistorikk

Gebyr for eigedom som blir nytta til fritidsbustad eller fritidseigedom skal reknast ut separat for kvar enkelt bueining, og arealet blir rekna ut frå bruksarealet (BRA) slik det er definert i Norsk Standard (NS-3940).

Direktoratet for byggkvalitet har nærare forklaring på kva som reknast for bruksareal. Det omfattar alt innvendig areal frå kjellar til loft, pluss opne areal med overbygg som t.d. carport. Dette har betydning for eigeidomen sin utnyttingsgrad, der m.a. parkeringsanlegg er medrekna, og er ein vanleg definisjon av kva for areal som inngår i BRA.

Ved føring av bruksareal i matrikkelen derimot, er ikkje garasjearealet rekna inn. Dette følgjer av reglane som gjeld for matrikkelføring.

Vår lokale gebyrforskrift inneheld eit skilje i forbruksgebyret på bruksareal under og over 90 m². Det var ein intensjon om at mindre hushaldningar skulle ha lågare avgiftsnivå enn større hushaldningar. Bueiningar med BRA på inntil 90 m² er ofte lokalisert i leiligheitsbygg, der det er felles garasjeareal i underetasje, under bakken, i eige garasjebygg eller felles i eitt av fleire leiligheitsbygg.

Husvære under 90 m² er eigna for 1-2 personar, og denne grensa gir ein grei indikasjon på vassforbruket. Når NS-3940 blir lagt til grunn for utrekningane, blir garasjearealet også rekna inn i BRA. Det medfører at bueiningar med BRA på inntil 90 m² i følge matrikkelen, i ein del tilfelle hamnar i gruppa over 90 m² etter at garasjearealet er lagt til. Dermed får også dei mindre bueiningane det same gebyrnivået som bueiningane med bruksareal over 90 m².

Behov

Førebels gjeld problemstillinga eit relativt lite tal bueiningar i høve til den totale bustadmassen i Alver. For dei det gjeld, virkar det likevel urimeleg at gebyrnivået for mindre leiligheiter blir det same som t.d. for ein stor einebustad. Utbyggingstendensane framover er fleire leiligheitsbygg, særleg i kommune- og lokalsentra. Parkeringsarealet blir flytta frå overflateparkering til underetasjar, eigne parkeringshus eller parkeringsanlegg under bakken. I tillegg blir det fleire ein-persons hushald, som gjerne ønskjer mindre husvære. Denne problemstillinga vil derfor etter kvart gjelde mange hushaldningar, i etableringsfasen så vel som i pensjonistfasen.

Vurdering:

Kommunedirektøren vurderer at utrekning av årsgebyr for vatn og avløp bør ta utgangspunkt i at vassforbruket er lågare for små hushaldningar enn for større, slik intensjonen med forskrifta er. Når utrekningsreglane fører til at små hushald i enkelte tilfelle likevel får årsavgift som store, vurderer kommunedirektøren at dette er ein utilsikta effekt av ordlyden i forskrifta.

Det er mogeleg å endre teksten i § 1-6 slik at gebyrgrunnlaget er knytt til bruksarealet (BRA) i matrikkelen.

Alternativ

Alternativet er å legge NS-3940 åleine til grunn, utan å vise til matrikkelen, dvs ikkje endre forskrifta. Det kan medføre at fleire hushald vil oppleve urimelege avgifter framover, fordi det blir bygd fleire og fleire mindre bueiningar i leiligheitsbygg.

Økonomiske konsekvensar

I dag er det om lag 60 – 70 bueiningar som får bruksarealet sitt endra frå under til over 90 m² etter at garasjearealet er lagt inn. For einingar over 90 m² har det ingen betydning om garasjearealet er med eller ikkje.

Dersom forskrifta blir endra, utgjer dette 250 – 300 000 kr i reduserte gebyrinntekter totalt, rekna i 2022-kroner. Dette er såleis ein svært liten del av dei samla gebyrinntektene.

Kommunedirektøren si tilråding

Kommunedirektøren meiner at dei økonomiske konsekvensane ikkje er avgjerande her. Det er meir hensiktsmessig å jobbe for at fleire innbyggjarar og verksemder skal kople seg på det

offentlege nettet, enn å halde fast ved den noverande ordninga.

Det er mange fordelar med å bygge mindre bustader meir konsentrert og med fleire fellesanlegg, ikkje minst i eit klimaperspektiv. Kommunedirektøren ønskjer at denne tilnærminga er synleg også i gebyrforskrifta, og rår til at § 1-6 blir endra tilsvarande.

Vedlegg i saken:

03.11.2022	Endra forskrift om vass- og avløpsgebyr i Alver kommune, framlegg 01.11.2022	1827521
------------	--	---------

Arkiv: <arkivID><jpID> FE-200, TI-&48
JournalpostID:
Sakshandsamar:
Dato: 24.10.2022

Saksframlegg

Saksnr.	Utval	Møtedato
114/22	Alver formannskap	10.11.2022
	Alver kommunestyre	

Mogelege straumsparetiltak - kostnadsreduksjon

Kommunedirektøren sitt framlegg til vedtak:

«Kommunestyret godkjenner at følgjande tiltak blir gjennomført for å få ned straumforbruket og redusere kostnadene:

- Dei kommunale svømmebassenga medrekna terapibada blir stengt for resten av skuleåret (fram til ferien 2023).
- Lysanlegg ved idrettsanlegga blir slått av ein time tidlegare
- Veglys langs kommunale veger blir slått av, med unntak for kommunesenteret i Knarvik og lokalsentra på Manger og Frekhaug

Tiltaka skal evaluerast innan juni 2023.»

Politisk handsaming

Saka skal til innstilling i formannskapet
Saka skal avgjerast i kommunestyret

Saka gjeld

Eitt av tiltaka i økonomiplanen har vore «Energioptimalisering og reduksjon straumutgiften» heilt sidan 2020, forklart slik:

«Tiltak for å redusere straumforbruket ved skulane, barnehagane, administrasjonslokala, idrettsanlegga, kulturbygg. Stille krav om energisparande tiltak ved prosjektering av nye bygg og til rehabilitering. Drive meir aktiv straumstyring via felles styringsanlegg på bygningane og redusere gjennomsnittstemperaturen der det er mogeleg. Tiltaket er avhengig av ytre faktorar som eventuell nedlegging av bygg som ikkje er i bruk, og andre tiltak kobla mot optimalisering av bygningsmassen.»

Sidan 2020 har kommunedirektøren særskilt hatt fokus på styringsanlegg for å redusere straumforbruket ved dei ulike bygningane. Budsjettet er teke ned med 3 mill, i tråd med forventningane ved kommunesamanslåinga, presentert i 2019, jf gjennomgang i formannskapet sin økonomiplankonferanse april 2022.

I 2022 har det ikkje vore kapasitet til å prioritere vidare tiltak knytt til bygningsmessige utbetringar for å få ned straumforbruket endå meir. Dette mellom anna på grunn av at deler av den kommunale bygningsmassen har lågare standard enn venta. På grunn av dei høge straumprisane, er det nødvendig å redusere forbruket på andre måtar, og i denne samanhengen betyr det å sette ned temperaturen, stenge anlegg eller slå av anlegg.

Denne saka handlar om mogelege tiltak for å redusere straumforbruket på område som innbyggjarane vil merke, og som dermed er av politisk interesse. Kommunedirektøren har frå før sett i verk interne straumsparringstiltak, dei blir nemnd berre til informasjon.

Saksopplysningar

Bakgrunn:

Sjølv om straumforbruket er tatt ned, har straumkostnadene auka. Jf tertialrapportane og budsjettjusteringar.

Rekneskapstala syner (utanom vatn og avløp):

- 2020: 19,9 mill
 - 2021: 27,9 mill
 - Hittil 2022: 23,1 mill (faktura t.o.m. september)
 - Kalkyle for 2022: 30,8 mill
-
- Fordeling av straumkostnader pr formål, hittil i 2022:
 - Skule kr 8,9 mill
 - Barnehage kr 1,0 mill
 - Helse kr 5,4 mill
 - Idrettsanlegg kr 1,0 mill
 - Kultur kr 1,3 mill
 - Administrasjonslokale kr 2,9 mill
 - Veglys kr 2,6 mill

Kommunedirektøren har iverksett interne tiltak for å få ned kostnadene, m.a.

- Kommunale ladepunkt for el-bilar er slått av (unntak for tenestebilar)
- Nattsinking og helgesinking av temperaturen generelt
- Senka temperaturen i administrasjonslokale / kontorlokale til 20 grader
- Senka temperaturen i klasserom til 21 grader
- Senka temperaturen i idrettshallar og gymsalar til 15 grader

Gjennomførte tiltak

Innetemperatur:

Den generelle romtemperaturen som Arbeidstilsynet anbefaler er 20 – 22 grader, og ikkje under 19 grader. For kostnadene sin del kan ein grovt rekne 5 % reduksjon pr grad som blir senka.

Temperaturen er generelt sett ned til 20 grader i administrasjons- og kontorlokale, også på skulane og i barnehagane. For klasseromma sin del er temperaturen senka til 21 grader.

Temperatursenkinga som nemnt over er venta å gje om lag 1 mill årleg innsparing (med dagens straumpris). Om temperaturen blir sett ned til 19 grader i administrasjons- og kontorlokale, vil ein kunne spare inn om lag 200 000 kr til.

Temperaturen er ikkje sett ned i sjukeheimane, helsestasjonane, legesentra og andre helserelaterte lokale, heller ikkje i barnehagane i rom der barn oppheld seg.

Redusert temperatur i idrettshallar og gymsalar

Temperatueren er sett ned til 15 grader, som er ein reduksjon frå standarden på 17 – 18 grader. Straumkostnaden utgjer om lag 1 mill med dagens straumpris, og tiltaket er venta å gje om lag 98 – 140 000kr i årleg innsparing.

Ladepunkt for el-bilar:

Stenging av ladepunkta for el-bilar (unntak for tenestebilar) er rekna å gje ei innsparing på

om lag 1,5 mill årleg.

Nye tiltak til vurdering

Det er i all hovudsak kommunens eigne tilsette som opplever effekten av gjennomført tiltak. Skuleelevarne vil merke at klasseromma er kjølegare i starten av skuledagen, men det blir relativt raskt varmt nok inne i høve til tilrådd temperatur. Gymsalane vil kjennast kjølege, men også der blir det relativt raskt varmt nok, som følgje av aktiviteten.

Det er mogeleg å setje i verk fleire straumsparetiltak, men ikkje utan at innbyggjarane vil merke dei.

Slå av veglysa

Straumkostnadene utgjer om lag 2,6 mill med dagens straumpris. Her er det eventuelt mogeleg å vurdere differensiering, der t.d. sentrumsområde eller område med tettast eller mest konsentrert busetnad blir unnateke.

Veglys har verknad for trafikktryggleiken og generell kjensle av trygge omgjevnader.

Stenge svømmebasseng

- Alversund gamle skule: årleg straumkostnad om lag 190 000 kr
- Rosslund barne- og ungdomsskule: årleg straumkostnad om lag 192 000 kr
- Ostereidet barne- og ungdomsskule: årleg straumkostnad om lag 197 000 kr
- Radøyhallen (m/terapibasseng): årleg straumkostnad om lag 381 000 kr
- LOAS Knarvik (terapibasseng): årleg straumkostnad om lag 228 000 kr
- Totalt 1,188 mill

Ved nedstenging av svømmebasseng kjem det i tillegg innsparingar på om lag 1,4 mill i andre driftskostnader.

Det går evt an å vurdere å senke temperaturen frå 30 grader (standard) til 28 grader i bassenga. Det kan gje ein reduksjon på 116 000 kr (5 % pr grad)

Terapibassenga har temperatur på 33 – 34 grader. Her er det først og fremst fokus på helse, og kommunedirektøren meiner at evt innsparingstiltak bør vere knytt til nedstenging i staden for temperatursenking.

Redusert utelys

Det er mogeleg å slå av utandørs lys ved kommunale bygg og idrettsanlegg tidlegare enn i dag. Utelys ved skulane er sensorstyrt og er på om natta.

Ved idrettsanlegga står banelysa på fram til kl 22.15, då er det dei eldste brukarane som trener / speler kampar.

Utelysa er i same krets som bygningane og det er ikkje mogeleg å måle effekten av å evt redusere utelysa.

Risiko

Redusert innetemperatur vil alltid kunne bli opplevd som ubehageleg av ulike personar. Det kan t.d. oppstå helsemessige plager eller konsentrasjonsvanskar.

Stenging av bassenga er uheldig for svømmeopplæringa, som er viktig for tryggleiken til sjøs. Stenginga kan også ha negativ verknad for det generelle nivået på fritidsaktivitet. Terapibassenga er viktige for behandling av ei rekkje sjukdomsbilete, og nedstenging vil kunne medføre helsemessige utfordringar.

Redusert utelys ved kommunale bygg kan føre til auka hærverk og høgare driftskostnader til vakthald, alarmer og reparasjonar. Her er det kanskje nødvendig å prøve seg fram.

Reduserte veglys kan gå ut over trafikktryggleiken.

Framtidige tiltak og økonomiske konsekvensar

Gjennomført tiltak og dei tiltaka som er sett opp for vurdering vil ha ein viss effekt.

Dersom straumforbruket skal vesentleg ned, er det i hovudsak fire tiltak som må til:

1. Betre om meir differensierte styringssystem, særleg i eldre bygg, for å få fleire målepunkt og betre soneinndeling. Då vil ein kunne detaljstyre straumforbruket både i høve til formål og bruksfrekvens.

Tiltaket krev større investeringar i eksisterande bygningsmasse (elektroinstallasjonar)

2. Oppgradering av veglysa med led-lys armatur og hensiktsmessige måle- og fordelingspunkt. Tiltaket krev større investeringar.
3. Auka vedlikehald generelt og etterisolering av eldre bygg / enøktiltak. Det pågåande arbeidet med å skifte tak vil ha god effekt. Andre tiltak kan vere utskifting av vindauge og dører. Enøk-tiltak generelt krev større investeringar.
4. Vurdere alternative energikjelder / soloppvarming for både gamle og nye bygg.

Kva nivå eventuelle investeringar vil ligge på, må kommunedirektøren eventuelt komme tilbake til. Eventuell gjennomføring vil ta tid.

Kommunedirektøren si tilråding

Dei gjennomførte tiltaka vil bli jamnleg evaluert og evt justert, dersom ein ser at det er mogeleg å ta ned straumforbruket endå meir utan at kostnadene auker på andre område.

Kommunedirektøren rår til at det også blir vurdert nye tiltak utover dei som er gjennomført, evt med tilpassingar, sjølv om desse tiltaka først og fremst er retta mot innbyggjarane.

Framtidige tiltak bør vurderast i økonomiplan investeringar.

Kommunedirektøren ville ikkje i ein normalsituasjon ha tilrådd tiltaka i framlegg til vedtak. Kombinasjonen av høge straumprisar og ein krevjande økonomi gjer at kommunen står i ein spesiell situasjon. Om kommunestyret ønskjer tiltak utover det som allereie er sett i verk, vil kommunedirektøren tilrå dei tre tiltaka i framlegg til vedtak.

Arkiv: <arkivID><jplD> FE-122, TI-&37, TI-&01
JournalpostID:
Sakshandsamar:
Dato: 03.11.2022

Saksframlegg

Saksnr.	Utval	Møtedato
115/22	Alver formannskap	10.11.2022
	Alver kommunestyre	

Miljøløftet – prosjekt til handlingsprogrammet 2024 - 2027

Kommunedirektøren sitt framlegg til vedtak:

Alver kommune prioriterar tilrådingane til Miljøløftet sitt handlingsprogram 2024 -2027 slik det er lagt fram i saka.

Politisk handsaming

Saka skal til innstilling i formannskapet
Saka skal avgjerast i kommunestyret

SAKSUTGREIING

Saka gjeld

Denne saka gjeld den årlege prioriteringa av prosjekt som Alver kommune vil legge inn i Miljøløftet sitt handlingsprogram, no for perioden 2024 –2027, og til dei tilhøyrande belønningssmidlane for 2022 og 2023.

Organisering, prinsipp og prosess for innspel av prosjekt til Miljøløftet vart gjennomgått som bakgrunn i sak KO-020/22.

Formannskapet vart som styringsgruppe orientert den 6. oktober 2022, om mogelege innspel i høve den årelege rulleringa av handlingsprogrammet i Miljøløftet, no for perioden 2024 – 2027.

Denne saka gjeld altså den vidare politiske handsaminga av dette framlegget. Med bakgrunn i det politiske vedtaket her vil det bli utarbeidd og sendt inn prosjektark i Miljøløftet for tiltaka. Desse vert handtert og vurderte i Miljøløft-organisasjonen, og tilrådde prosjekt vert så lagt inn i handlingsprogrammet for Miljøløftet 2024 -2027, som så vert sendt inn med søknad om finansiering i statsbudsjettet for 2024.

Bakgrunn

Alver kommune vedtok å vere med i byvekstavtalen i februar 2020. Det er nullvekstmålet for personbiltrafikk som ligg til grunn for avtalen. Gjennom avtalen vil kommunen i avtaleperioden få kr 29,5 mill i snitt til gang- og sykkelvegprosjekt langs riksveg, fylkeskommunal veg eller kommunal veg (Statsbudsjettet, post 30). I tillegg får kommunen kr 2,46 mill (+ indeksregulering) per år i belønningssmidlar som kan brukast på eit noko vidare omfang innan tema.

Så langt i avtaleperioden har Alver kommune mottatt omlag kr 55 mill til utbygging av gang-

og sykkelveg. Dette fordeler seg på følgjande prosjekt:

- Fv5308 Utbetring av Sagstadvegen g/s-veg – kr 28 mill
- Fv5476 Kvamsbrekko – kr 12 mill
- Regionsenteret Knarvik, Kv1023, Kv1056 – kr 10,5 mill
- Regionsenteret Knarvik, gangveg mellom Helsehuset og Såtabu-området – kr 4,1 mill
- Frekhaug, Mjåtveitvegen – 1 mill

Vestland Fylkeskommune er byggherre for den pågåande utbygginga av Kvamsbrekko og den framtidige utbygginga av Sagstadvegen. Fylkeskommunen har varsla at Sagstadvegen vil få ei vesentleg høgare byggekostnad enn tidlegare vurdert og vil kome tilbake til dette. Dei to prosjekta i Knarvik har ein moderat ekstrakostnad, noko som er innmeld til Miljøløftet.

I sak 97/22 vedtok kommunestyret å melde inn følgjande prosjekt til handlingsprogrammet for 2023 -2026:

- Fv5474, Seim skule, fortau/trafikkisikring
- Fv5456, Ostereidet, fortau/trafikkisikring i Lindsdalen

- Fv5452, Leknes, fortau/trafikkisikring ved Eknes Karosseri
- Fv5452, Apalen, fortau/trafikkisikring Apalen – kryss Kleivdalsvegen.

Prosjekta er for tida til økonomisk og framdriftsmessig justering hjå Vestland fylkeskommune som byggherre, og det er nyleg gjeve signal derfrå om at det vil bli justeringar i kostnad og tid ved vidareføring av desse prosjekta inn i handlingsplanen for 2024 – 2027. Fylkeskommunen har signalisert at kommunen bør bidra med midlar til detaljregulering på Seim, dette arbeidet bør gjennomførast i 2023. Det er allereie sett av belønningmidlar til ei slik regulering. Kommunedirektøren legg til grunn at desse prosjekta vert vidareført i Miljøløftet sitt handlingsprogram for 2024 – 2027.

Prioritering av nye anleggsprosjekt 2024 -2027

Kommunedirektøren la fram ei portefølje av mogelege prosjekt i styringsgruppemøte 6. oktober i år. Vidare vart det her foreslege eit utdrag for over aktuelle prosjekt for gjennomføring i 24 – 27 og ei liste/utdrag over prosjekt for vidare utgreiing for seinare, mogeleg utbygging. Det er forventa at utgreiingsarbeidet vil dokumentere trong for reviderte eller nye reguleringsplanar.

Ettersom dagens byvekstavtale og dermed finansieringsopplegget for Alver på samla omlag 350 millionar kroner går ut i 2029, er det viktig å sikte seg inn på ein slik sum for ferdigstilling av eit totalprosjektomfang i Alver på denne tida. Det er derfor viktig å legge ein langsiktig plan for kva prosjekt Alver skal prioritere dei neste åra. Kommunedirektøren vil legge fram eit forslag til ein langsiktig plan for formannskapet i løpet av 2023.

Etter dialog med Vestland Fylkeskommune vil kommunedirektøren tilrå at følgjande nye utbyggingsprosjekt vert lagt inn som kommunen sitt investeringsframlegg i Miljøløftet sitt handlingsprogram for 2024 – 2027:

- Fv 565 Manger kyrkje – Hesthaugen, fortau, bygging, førebels kostnadsramme/estimat: 2 mill
- Fv 565 Alverstraumen, snuplass for buss, alt. rundkøyring Hilland, utgreiing og tilskot til bygging, estimat: 5 mill
- Knarvik, G/S-vegar i Knarvikplanen og ved Nh-hallen, bygging, estimat: 16 mill

I tillegg legg kommunedirektøren til grunn at finansiering av Sagstadvegen vert vidareført i handlingsprogrammet.

Staten sine krav til avklarande prosessar i det einskilde prosjekt er krevjande når de gjeld å

fastsette tidspunkt for gjennomføring, og dermed også framlegg til budsjettering det einskilde år i budsjettperioden. Dette vert imidlertid arbeid med og vil bli meir avklart før innsending av søknads- og budsjettframlegget via Miljøløftet no i 2022.

Belønningsmidlar

I tillegg til dei reine anleggsmidlane på i snitt 29,5 millionar årleg, har også Alver kommune ein årleg sum på 2,46 millionar (i 2019-kroner) i belønningsmidlar som kan brukast på eit noko vidare omfang innan tema, mellom anna:

- Planarbeid og prosjektering
- Utgreiingar
- Kampanjar
- Ruteproduksjon kollektiv
- Fysisk utbygging
- Utstyr
- Tilskotsordningar

Kommunedirektøren har utarbeidd følgande liste av mogelege prosjekt og prosessar som vert tilrådd finansierast av belønningsmidlane for åra 2022 og 2023:

Utgreiingar som grunnlag for eventuell reguleringsplan og med sikte på mogeleg anlegg utføring i siste del av dagens byvekstavtale, dvs. fram mot 2029:

- Fv 565 Hilland til Austmarka G/S-veg, utgreiing, evt. i samarbeid med Nh.pakken
- Fv 564 Holme – Sandskaret utgreiing, evt. i samarbeid med Nh.pakken
- Kv1163 Fosseskarvegen G/S-veg øvre Fosse - Sagstad skule, utgreiing

Kostnad, eksternt og internt samla estimat: kr 1 mill.

Utgreiing BLOXX

- Mogeleg etablering av miljøbase (BLOXX) på Frekhaug v/BUA, evt. andre stader, utgreiing av etablering og drift.

Interne kostnader, estimat : 100'.

Innfartsparkeringar

- Plan/forprosjekt og utgreiingar i samband med arealdelen av kommuneplanen.

Estimat: 500'.

Mobilitet

- Nye mobilitetsløysingar i spreidd busetnad, - subsidiere oppstart/drift. Samarbeid med Skyss i arbeidet med regional mobilitetsstrategi
- Ringbuss Alversundområdet – Frekhaugområdet (matebuss båt), støtte drift av prøveprosjekt

Samla estimat: 1 mill.

Sykkelpakke

- Trygg sykkelparkering (elsyklar), fysisk etablering fleire stader i kommunen.
- Sykkel, motivasjonstiltak for innbyggjarane
- Sykkelservice, gratis/subsidiert for innbyggjarane.
- Innkjøp av elsyklar på nokre kommunale arbeidsplassar, prøveprosjekt.

Samla estimat for sykkelpakke: 1 mill

Bildeleordningar

- Oppretting av ulike bildeleordningar, utgreiing, internkostnad.

Estimat: 50'.

Sekkepost for trafikksikring

Sikring/trygging av mjuke trafikkantar.

- Vegrekkverk,
- Veglys, særleg ved busshaldeplassar og G/S vegar

Samla estimat: 500'

Samla utgjer desse framlegga om lag 4,1 mill. Inneståande belønningsmidlar til og med forventa utbetaling i 2023 utgjer om lag 6,8 mill (indeksregulert). Formannskapet har tidlegare vedteke at inntil 2,5 mill av desse skal settast av til reguleringsarbeid for G/S-prosjekta på Seim og på Ostereidet.

Resterande beløp vert då om lag 0,2 mill som er tidlegare vedteke nytta innan tilrettelegging for sykkel og med visning til vedteken sykkelstrategi for Alver.

Vedlegg i saken:

03.11.2022 Miljøløftet i Alver

1828832

Arkiv: <arkivID><jplD>
JournalpostID:
Sakshandsamar:
Dato: 03.11.2022

Saksframlegg

Saksnr.	Utval	Møtedato
047/22	Utval for helse og omsorg	08.11.2022
072/22	Utval for oppvekst, kunnskap og kultur	08.11.2022
144/22	Utval for areal, plan og miljø	09.11.2022
116/22	Alver formannskap	10.11.2022

Eigarskapsmelding

Kommunedirektøren sitt framlegg til vedtak:

Saka tas til orientering

Politisk handsaming

Saka skal til orientering i utval for oppvekst, kunnskap og kultur, utval for helse og omsorg og utval for areal, plan og miljø

Saka skal avgjerast i formannskapet

Bakgrunn

Saka leggst i denne omgang fram som drøftingssak, slik at administrasjonen kan innarbeide eventuelle framlegg til endringar – før saka vert endeleg handsama i formannskap og kommunestyre.

Kommunar har stor fridom til velje korleis dei vil organisere kommunen sin verksemd. Når kommunen vel å organisere deler av verksemda i til dømes aksjeselskap eller interkommunale selskap, vert verkemidla for folkevalde sin styring og kontroll endra. Kommunestyret får da ei rolle som eigar og må styre gjennom selskapa sine eigarorgan.

Kommunelova set krav om at kommunestyret, minst ein gang i kvar valperiode skal handsame eigarskapsmeldinga. Eigarskapsmeldinga skal innehalde: prinsipp for eigarstyring, oversikt over selskap, føretak og andre verksemdar kommunen har eigarinteresse eller tilsvarande interesser i.

Vurdering

Alver kommune har eigarskapsmelding, utarbeida i 2019. Denne tilfredstillar mange av krava i kommunelova, men det er kommentert i denne at Alver kommune sine forventningar vert å kome attende til.

KPMG har gjennomført eigarskapskontroll: «Generell eigarstyring» og kome med nokre punkt til forbetringar, mellom anna (Saksnr 004/22 Alver kommunestyre):

- Utarbeide retningslinjer som set føringar for korleis valkomiteen skal kome fram til innstillingar til styremedlem i kommunale eigde selskap
- Fleire konkrete råd i samband med strategiprosess for eigarstyring
- Utarbeide eigarskapsmelding for Alver kommune i løpet av valperioden i tråd med

krav i kommunelova

- Gjere ein gjennomgang av dei registrerte opplysningane i KS styrevervregister, samt oppdatere styreverva som manglar i Styrevervregisteret
- Nødfelle prinsipp for omfang og gjennomføring av eigarmøte for selskapa
- Fylgje opp at selskapa kommunen har eigarskap i reviderer etiske retningslinjer
- Fylgje opp at selskapa kommunen har eigarskap i jamleg reviderer etiske retningslinjer
- Fylgje opp at selskapa kommunen har eigarskap i har rutinar for vurdering og handtering av habilitet.

Vedlagde framlegg til Eigarskapsmelding (Del 1) gjer mynde frå kommunestyre til formannskap som eigarutval. Formannskapet, ordførar og administrasjonen/eigarskapssekretariat får tydeleggjort oppgåvene om å følgje opp ovanfor nemnde punkt, minus punkta om KS Styrevervregister.

Administrasjonen har sikra at alle folkevalde kan registrere sine interesser i KS Styrevervregister, men sjølve registreringa og kontroll av eigne opplysningar, må gjerast av den einskilde representant. Når eigarskapsmeldinga er endeleg vedteken vil registeret også gjerast tilgjengeleg for styremedlemmane med fleire.

Vedlagde versjon er eit utkast til eigarskapsmelding (del 1). Administrasjonen tek sikte på å leggje fram endeleg versjon til formannskapet 1. desember 2022.

Det er nokre prinsipielle vurderingar som administrasjonen vil gjere spesielt merksam på, kor det er mogleg å gjere andre val:

- I innleiinga, peiker vi på at Eigarskapsmeldinga (Del 2) vert handsama årleg, som del av årsmeldinga til kommune. Ver merksam på at dette vil vere tal som er eit år gamle, rekneskapstal for selskapa i år 2020 vil verte handsama saman med kommunen sine tal frå 2021. Dette skuldast at selskap har frist til juli med å rapportere rekneskap og årsmelding.
- Under Eigarutvalet sin rolle og mynde, viser kommunestyret til at det er formannskapet som skal fungera som eigarutval.
- Styret sin rolle og ansvar: Vi anmoder selskapa å tegne styreforsikring.
- Styrehonorar: Dette punktet er ikkje naudsynt å ta med, men om kommunestyret ynskjer å ha meining om dette, bør avsnittet vere med.

Administrasjonen har ikkje dedikerte ressursar til å utføre oppgåvene knytt til eigarsekretariat, men må delast mellom tilgjengelege ressursar. Ambisjonsnivået bør reflektere omfanget av eigarskap og tilgjengelege ressursar. Ansvar for oppfølging av dei administrative oppgåvene/eigarsekretariat vert lagt til assisterande kommunedirektør.

Eigarskapsmelding (Del 1) er tenkt nytta som «oppslagsverk» for folkevalde, administrasjon, styremedlemmar og andre som har interesse for kommunalt eigarskap. Den vert rullert i kvar valperiode, men det er tenkt at hovudtrekka har lang gyldigheit og at endringane vert få, mellom kvar handsaming.

Når kommunestyret har handsama saka knytt til eigarskapsmeldinga, vert denne oversendt kontrollutvalet, som del av deira sakshandsaming. Utkast vert også sendt til kontrollutvalet, som orientering.

Vedlegg i saken:

03.11.2022	Anbefalinger-om-eierskap-F41-web	1828504
03.11.2022	Eigarskapsmelding del 1 - Alver kommune 30.6.22	1828505
03.11.2022	KO sak 004-22 Rapport frå eigarskapskontroll - Generell	1828506

	eigarstyring	
03.11.2022	Vedlegg 1 KO sak 004-22	1828507
03.11.2022	Vedlegg 2 KO sak 004-22	1828508
03.11.2022	Vedlegg 3 KO sak 004-22	1828509
03.11.2022	Eigarskapsmelding Alver kommune 2019	1828510

Arkiv: <arkivID><jplID> FE-033
JournalpostID:
Sakshandsamar:
Dato: 27.10.2022

Saksframlegg

Saksnr.	Utval	Møtedato
117/22	Alver formannskap	10.11.2022

Melding/orientering til formannskapet 10.11.2022

Kommunedirektøren sitt framlegg til vedtak:

Meldinga vert teke til orientering

Politisk handsaming

Saka skal avgjerast i formannskapet

Meldingar/orienteringar

- Protokoll Regionrådet 23.09.2022 med vedlegg.
- Notat – orientering om oppfølging av vedtak om omsorgsbustader+ med kommunal forskottering og tilvisingsrett.
- Investeringar
- Økonomi
- Oppfølging utviklingssamtale kommunedirektør – u.off.

Vedlegg i saken:

18.10.2022	Protokoll Regionrådet 5-2022, 23. september	1820155
18.10.2022	Sak 30-22. Frå ord til handling på Mongstad - Einar Vaage	1820156
18.10.2022	Sak 32-22. Div. helsesaker _ orientering til RR 23.09.22	1820157
18.10.2022	Sak 32-22. EUVECA_presentasjon RR 23.09.22_endeleg	1820158
18.10.2022	Sak 33-22. IKP sjø reg råd 22.09.2022	1820159
03.11.2022	Notat- orientering om oppfølging av vedtak om omsorgsbustader+ med kommunal forskottering og tilvisingsrett	1827791
03.11.2022	Oppfølging utviklingssamtale kommunedirektør	1828958